

ԹՈՒՐԷ ԳՈՐԾԵՆԿԵՐՈՒՀԻՒՍ ՀԵՏ

Posted on August 21, 2013 by Keghart



Category: [Opinions](#)



Մտածումներ Վիճաբանություններ մը Ետք

Օշին Էլակեօզ, 20 Օգոստոս 2013, Պոլիս

✘ Երեք ամիս առաջ, Պոլսոյ Թաքսիմ հրապարակի վրայ գտնուող «Կեզի» կոչուած զբօսավայրի պատճառաւ բռնկած դէպքերու ժամանակ, գործընկերներէս մէկը, որ քեմալական մտայնութիւն ունեցող թրքուհի մըն է, առաւօտ մը կանուխ ներս մտաւ ջղայնացած՝ հայիոյելով անոնց, որոնք քուէարկած էին վարչապետ Էրտողանի կուսակցութեան, գիտնալով հանդերձ որ ես ալ անոնցմէ մէկն էի: Ջանացի իրեն բացատրել թէ ինչու համար քուէարկած եմ այդ կուսակցութեան ի նպաստ, որովհետեւ, ըսի, կը հաւատամ որ անձ մը քննադատելէ առաջ պէտք է պատճառը հարցնել:

Մտածումներ Վիճաբանություններ մը Ետք

Օշին Էլակեօզ, 20 Օգոստոս 2013, Պոլիս

✘ Երեք ամիս առաջ, Պոլսոյ Թաքսիմ հրապարակի վրայ գտնուող «Կեզի» կոչուած զբօսավայրի պատճառաւ բռնկած դէպքերու ժամանակ, գործընկերներէս մէկը, որ քեմալական մտայնութիւն ունեցող թրքուհի մըն է, առաւօտ մը կանուխ ներս մտաւ ջղայնացած՝ հայիոյելով անոնց, որոնք քուէարկած էին վարչապետ Էրտողանի կուսակցութեան, գիտնալով հանդերձ որ ես ալ անոնցմէ մէկն էի: Ջանացի իրեն բացատրել թէ ինչու համար քուէարկած եմ այդ կուսակցութեան ի նպաստ, որովհետեւ, ըսի, կը հաւատամ որ անձ մը քննադատելէ առաջ պէտք է պատճառը հարցնել:

Ոստիկան մը երբ կը ձերբակալէ մարդասպան մը, կը հարցնէ անոր թէ ինչո՞ւ համար սպանած է զայն: Արհեստավարժ հետաքննողէ այդ կը պահանջուի: Հետեւաբար ես ալ ուզեցի իրեն բացատրել թէ ինչու համար ես, եւ իմ նման շատեր, որոնք կա՛մ ոչ-իսլամական են եւ կամ չեն պատկանիր իսլամ կրօնքին, իսլամական կրօնամետոութիւն չունին, այլ՝ աշխարհիկ մտայնութիւն, կը շարունակեն քուէարկել Էրտողանի կուսակցութեան ի նպաստ: Այսպէսով կը մտածէի թէ ինք պիտի կարենար համակրանք եւ կամ հասկացողութիւն ցոյց տալ եւ հասկնալ թէ այս հողերու վրայ ապրող հպատակներուն կարելի է կեսէ անելին ի՛նչ մեծ դժուարութիւններու մէջ ապրած է, ի՛նչ տառապանքներ քաշած է, հարստահարուած է նախորդող քեմալական մտայնութիւն ունեցող բոլոր կառավարութիւններու ժամանակ, որոնք գաւազանը ձեռքին իշխեցին շուրջ եօթանասունինը տարի: Կուզէի իրեն բացատրել թէ մենք, մասնաւորապէս փոքրամասնութիւններս, Էրտողանի շնորհիւ է որ հիմա քիչ մը շունչ կրնանք քաշել: Մեր ազգային հաստատութիւններուն կալուածները, որոնք մեզմէ կը գրաւուէին զանազան անհիմն պատրուակներով, վերջերս սկսան մեզ վերադարձնել: Մեր հաստատութիւնները հիմա իրաւունքը ստացան իրենց կալուածները շահագործելով ապահովելով իրենց գոյատեւումը: Մեր ազգային հաստատութիւններու մատակարար մարմինները, որոնք առաջ վախի ու դողի մէջ էին, որովհետեւ ամէն վայրկեան կրնային

ձերբակալուհիլ անհիմն պատրուակներով, չարչարանքի ենթարկուհիլ եւ բանտարկուհիլ, հիմա ազատ են եւ այս ազատութեան շնորհիլ է որ մեր համայնքին ձայնը հիմա աւելի զօրաւոր կ'ելլէ, երբ անարդարութեան մը հետ դեմ դիմաց գտնուինք:

Այս բոլորը ջանացի բացատրել իրեն, որովհետեւ այս երկրին մէջ կան իր նման շատ անձեր որոնք հակառակ որ կ'ապրին Թուրքիոյ մէջ, Թուրքիան իրենց համար բաղկացած է միայն Պոլսոյ քանի մը բարեկեցիկ ու շքեղ թաղերէ եւ հարաւային Թուրքիոյ մէջ գտնուող, երկրին մեծահարուստներուն եւ իրենք զիրենք «Էլիթ» նկատողներուն յաճախած ամառնային ծովափնեայ արձակուրդի գիւղաքաղաքներէ: Անոնք երբեք չեն հետաքրքրուած թէ ուրիշներ ի՞նչ պայմաններու մէջ կ'ապրէին այս երկրին մէջ, անոնց իրաւունքները կը յարգուէին արդեօք, անոնք այս երկրին մէջ որեւէ անհանգստութիւն ունէին արդեօք: Կարելորդ այն էր որ իրենք հանգիստ էին, իսկ եթէ պատահեր որ ժողովուրդը իր անհանգստութեան ձայնը բարձրացներ, այն ժամանակ իրենց զօրաւոր բանակը իր գաւազանովը զանոնք կարգի կը բերեր: Անգամ մը համար իսկ չեն հետաքրքրուած թէ իրենցմէ զատ այս երկրին վրայ ապրող այլ հայրենակիցներ ի՞նչ հարցեր ունին:

Այսպէսով կը կարծէի թէ պիտի յաջողէի իմ գործընկերակիցիս մէջ համակրանք մը արթնցնել, որպէսզի հասկնայ թէ ինչու համար մենք կը քուէարկենք վարչապետ Երտողանի կուսակցութեան ի նպաստ:

Երբ ես այս պատճառաբանութիւնը տուի, իմ Թուրք գործընկերակիցիս, որուն հետ տասնըութը տարիներէ ի վեր օրական ուրք, տասը ժամ միասին աշխատած ենք, մեր լաւ ու վատ ժամանակները միասին անցուցած ենք մեր գործատեղիին մէջ, որուն հետ աւելի շատ ժամանակ անցուցած եմ քան իմ ընտանիքիս անդամներուն հետ, որուն հետ ընտանեօք կը տեսնուէինք մինչեւ այդ օր, զայրացած ինծի հետեւեալ պատասխանը տուաւ. «Եթէ դուք այս երկրին մէջ այսչափ մեծ տառապանքներ կրած էք, ուրեմն թող ձգէիք այս երկիրը եւ հեռանայիք: Բոլորդ ալ արտասահմանի մէջ ազգականներ ունիք, ինչու՞ համար չէք գաղթեր եւ կը շարունակէք ապրիլ այս երկրին մէջ ու անհանգստութիւն պատճառել մեզի»:

Այս վիճաբանութենէն վերջ անգամ մը եւս անդրադարձայ թէ երբեք կարելի պիտի չըլլայ այս երկրին մէջ փոխել Քեմալականներուն ատելութեան զգացումը փոքրամասնութիւններու եւ թուրք չեղողներու հանդէպ, որովհետեւ անոնք մտային այն հասունութիւնը չունին որպէսզի ընդունին թէ մենք ալ այս երկրին տերերն ենք եւ նոյնիսկ իրենցմէ շատ աւելի հին ենք այս հողերու վրայ: Անոնք տակաւին կը հետեւին այն իթթիհատական քարոզչութեան որուն կարգախօսն է. «Թուրքիա կը պատկանի թուրքերուն, անոնք որոնք թուրք չեն, միայն թուրք եղողներուն ծառայելու համար է որ այս երկրին մէջ իրաւունք ունին ապրելու»:

Այս դէպքը անգամ մը եւս անդրադառնալ տուաւ ինծի, որ մինչեւ որ Թուրքիոյ մէջ

չհիմնուի Երոպական Ժողովրդավարական սկզբունքներու վրայ խարսխուած կուսակցութիւն մը, մենք այս երկրի մէջ մինչեւ այսօր արհամարհուած ազգերս, վարչապետ Էրտողանէն եւ իր ԱԲ կուսակցութենէն զատ այլընտրանք չունինք:

